

僊居集卷十八目錄

詩外編下

明 劉基 題柯敬仲墨竹花石七古 題柯敬仲墨竹七絕

王叔英 題呂六松先生手書遺篇七絕 和仙居知縣程奉民述懷五古

周伯器 題柯九思黃鸝白頭翁二圖七絕二首

劉崧 題耕讀軒為吏部主事顧碩賦七古

于謙 王一甯學士挽詩七律

鄭文康 和禮部王侍郎一甯留別濬縣魏少尹之作七律

翁仁 題柯敬仲墨竹七絕

李東陽 柯敬仲墨竹二絕

光緒僊居集卷十八 目錄

湛若水 舟泊梁家莊與應原忠語五古

張時徹 再贈容菴尚書七律

趙時春 潞河送大司寇應公七律

李攀龍 送大司寇應公歸台州七律

孫光裕 送許潘侯博士赴仙居七律

金賁亨 南都送應邦升東歸五古 次林損菴寄應容菴韻五古

寇靜容菴歸詩來次韻五古 壽大司寇容菴應翁七十詩七古

和應容菴見寄韻五律 與邦升遊東湖七律 懷邦升在南康作七律 懷應容菴時聞再任江右七律

次容菴新年即事韻七律 送仙居令謝七峯述職七律

送應容菴巡撫山東二首七律 喜范脩竹至次容菴韻七律

葉良佩 送容菴公撫治山東七律四首錄一

孫璵 送應容菴翁巡撫山東二首七律

黃議 陳鄭雙節詩五古

趙大佑 過嶺五律

蔡潮 送仙居潘縝懷分教上高七律

湯聘尹 按都賑濟七律

國朝

高宗皇帝 御題柯九思墨竹七絕

孫中鶚 秋日翠屏山館五排

李士宏 捧檄視師樂安七律

光緒僊居集 卷十八 目錄

張篤慶 贈別朱元翀歸樂安七律

鄭錄勳 載酒賞李花五排

王之夫 女明樓雪席七律

魏國璘 壽俞賡唐先生八秩五古

遲維培 登方巖五律四首錄三律

陳璜 戊子春仲至朱元翀方社五律

何錦 冬日過萍溪挽節烈朱張氏七絕二首錄一

錢陳羣 送王思廬廣文引年歸仙居次韻七律

嚴宗孟 壽王思廬老師七十七古

錢載 題柯敬仲畫五古

陸震東 俞貞烈女詩五古

洪其紳 孝烈應朱氏挽詩七絕

戚學標 題韋門詩鈔五律 孝烈應朱氏挽詩五古

朱鈺 挽孝烈應朱氏五律

蔡蕊榜 前題五絕十八首

丁燾 前題五古

蔡廷弼 前題七古

宋經畚 前題七絕四首

朱士彥 王節母詩五律

李宗瀚 前題七絕

光緒僊居集 卷十八 目錄

何淩漢 前題五古

陳用光 前題七絕

萬青藜 前題五律

鈕福保 前題五古

蔣煦 題畫石冊六言三首

朱緒曾 題畫石冊七律

姜文衡 次張蕊宮元旦感懷韻七律四首錄三

葉舟 仙居七律 度橫溪七絕 蒼嶺巔五律

孫衣言 邀徐笙谷朱紫笙遊西湖和笙谷韻七律

沈懷珠 咏鄭節母吳太孺人五古

楊晨 松筠菴消夏第一集訓吳玉粟比部五古
周郁雨 松筠菴消夏第一集訓吳玉粟先生二一首五古

光緒僊居集 卷十八 目錄

明劉基 字伯溫青田人有誠意伯文集

題柯敬仲墨竹花石

紅桃花天天綠竹葉蕤蕤水邊石上相依倚恰似佳人配君子
奎章博士丹邱生寶書鑒盡芸閣清染朱涅翠歸墨筆收入造
化無逃形烟濃風暖春如醉竹有哀音花有淚花枯竹死今幾
年空留手積令人憐

題柯敬仲墨竹

蒼龍倒掛不入地回首卻攀雲上天夜深雲散明月出化作修
篁舞翠煙

王叔英

字原采黃巖人累官翰林院修撰有靜學集

光緒僊居集

卷十八

詩外編

題呂六松先生手書遺篇

當代儒官競焜煌先生大節獨蒼蒼請看紙上淋漓墨百歲常
含冰雪光

次韻奉和仙居知縣程奉民述懷時程君爲人所誣方就
逮而有是作

麟鳳在赤霄黃塵亂豺虎慨息道路難涕泣每交下吁嗟壯士
行或有神靈護雲電以爲旌雷霆以爲鼓縱有斧鑿手何能重
傷女醜類自含私昊天明有覩

靜學集

周伯器

題柯九思黃鸝白頭翁二圖

奎章閣上老詞臣吟徧鶯花上苑春回首金衣閒自理綠陰多處少風塵

重重簾幙護輕寒聽徹春禽午夜闌無限江南歸興裏不將華髮漫衝冠

丹印集附錄

劉崧

字子高泰和人初名楚有槎翁集

題畊讀軒爲吏部主事顧碩賦

我從前年改初服冒榮坐請公家粟尋章摘字勘科律歷几堆牀披案牘文深有害心愈惕食飽無功顏自慙常懷戰慄趨府署豈有游歌到庠塾實憂慵惰飢欲死復恐荒嬉昧所屬今晨覽君出廬咏往日嗟余去從卜君材特達當廟堂我志依微慚光緒僊居集卷十八

詩外編

二

樸櫟何由放斥遂歸休扶耒朝耕仍夜讀

于謙

字廷益錢塘人歷官兵部尙書有忠肅公集

王一甯學士哀輓

內相方承寵渥深那堪鵬鳥集承塵文章功業成千古臺閣絲綸少一人慷慨誰論天下事淒涼空憶夢中身向時談笑皆陳迹惟有臨風淚滿巾

忠肅公集

鄭文康

字

人有平橋集

和禮部王侍郎

一甯

留別濬縣魏少尹之作

肺肺垂楊渺渺河平川驛裏暫經過白頭天使鄉情好青眼仙郎舊話多候吏幾人沙上立新詩八句酒邊哦知君共有蒼生

念細說民艱柰晚何 台典

翁仁

題柯敬仲墨竹

湘江何處弔湘妃極目愁雲是九疑欲寄所思隔秋水鳳皇吹
徹玉參差 丹邱集附錄

李東陽

字賓之茶陵人以戊籍居京師累官大學士有懷麓堂集

柯敬仲墨竹二絕

莫將畫竹論難易剛道繁難簡更難君看蕭蕭祇數葉滿堂風
雨不勝寒

奎章博士本書家畫法翻將上品誇鐵鎖銀鈎誰解道人閉空

光緒僊居集

卷十八

詩外編

三

夢筆生花

湛若水

字元明增城人學者稱甘泉先生有集

舟泊梁家莊與應原忠語

萬物宇宙閔混沌同一氣充塞與流行其源實無二就中有粲
然即一為萬理外此以索萬舍身別求臂逝川及鳶魚昭昭已
明示我心苟不蔽安能出於是知止乃有定動靜原非異見之
即渾化是名為大智其次在為善敬有為心累勿忘心勿助其
機極簡易嗟彼世間儒憧憧起私意自然本無為廓之配天地
甘泉集

張時徹

字維靜號東沙鄞人嘉靖進士累官兵部尚書

再贈容菴尚書

乞身歸伴列仙班，閉戶窮元白日閒。
獻瑞每逢青鳥使，采芝長住赤城山。
平泉有石文能記，少室棲雲鶴共還。
句漏丹砂餘幾許，好將一粒駐衰顏。

芝園定集

趙時春

字

人有浚谷集

潞河送大司寇應公

二首錄一

紛紛干戈深文際，寬法如公須挂冠。
仙侶天台不可竝，道揆地望世稱難。
三朝露冷爐香杳，九月霜深畿甸寒。
聊以清風吹去棹，飄飄一點到嚴灘。

台典

李攀龍

字于鱗，歷城人，有滄溟集。

光緒僊居集

卷十八

詩外編

四

送大司寇應公歸台州

搖落黃金駿馬臺，都門供帳亦賢哉。
炎荒想見乘輅出，北斗旋聽曳履回。
秋色白雲生海嶠，主恩華髮臥天台。
西曹官屬銜知遇，東閣清時好再開。

滄溟集

孫光裕

字子長，嘉興人，有兼善堂集。

送許潘侯博士赴仙居

二首錄一

羨君稽古主恩偏，秉鐸提衡到海邊。
居近仙人瞻紫氣，地堪吏隱挾青氈。
菁莪植就經爲鵠，桃李蹊成兆有鱣。
悵我周南匏繫久，何時尊酒挹煙巒。

兼善堂集

金黃亨

字汝白，臨海人，累官江西按察司提學副使，學者稱一所先生，有集。

南都送應邦升東歸

我有一樽酒願與吾子嘗我有一斗粟願爲吾子糧紆紆江南道皎皎山月光騎馬信所之信宿皆故鄉煙暝海天夕仰看孤雁翔飄飄雙幘雲何日與徜徉

次林損菴寄應容菴韻

大道無古今至言重須臾靈局有真宰百諾同一呼是以古賢聖千里猶駢居吁嗟役修途榛棘須與除鼎寶不自愛百喙攢食之多材騁技能紛如理棼絲古人惟一事豈暇及其餘嗟予不自量跛蹙慚驅馳況茲白日晚長戈詎能揮我生比蓬麻所樂良在茲耿耿黑髮盟老矣矢弗渝賢哉呂晉伯晚入羣英區

光緒僊居集

卷十八

詩外編

五

寇靜容菴歸詩來次韻

乍喜烽煙靜轉恨良朋別白下百年心青黎幾人切獨立蓬麻陰放歌桑梓月君看長生人丹爐靡寒熱

壽大司寇容菴應翁七十詩

有序

翁與余自少以道誼相澤麗爲莫逆交歷五十年矣于茲如一日今歲六月乙未實翁懸弧之辰再閱甲子十年矣其壻金君某懇求余言以贈絜情揆義實不容辭特余衰疾多遺忘思蹇而索艱輟綴文揭示座右者數年矣卽欲爲翁弛成禁以應金君之請自度廢閣久亦必不能成章徒犯食言戒耳於是櫟括所欲言爲古詩四十二韻令歌以侑壽觴且以

徵吾二人久要不忘之志乃若位望之隆立德樹勲之懋必有能藻發潛光丕揚休蘊以昭式邦人於有永者奚俟余言也哉

昔年與翁聽鹿鳴翁纔弱冠蜚英聲我先四齡二十五齷齪猶與鄉人行賢關同遊客建業肝肺相投語相合登山直欲窮崑崙觀海始知輕濟深曲江不作終身謀雞鳴欲寒良所憂有如輕車出坦道我慚跋蹙相追求望望洛河幾千里艤舶駕風應尺咫老龍行處是甘霖洊雷不驚觀素履投簪十載徵書頻東山再起人歡聞天生勁節老不屈疲殘力庇洪都民再歷諸藩撫川蜀川人稽首呼恩沃歸帆欲飛隼在墉頃刻功成洗荼毒

光緒僊居集

卷十八

詩外編

六

功成不語天聽遙子儀有召辭林效京國戒嚴翁在魯厲兵直擬誅咆哮仰止尼山歛洙泗聖途浩蕩歸無累陋巷如瞻卓爾賢風零敢忘思狂意帝令少宰清銓曹拔茅脫距誰能撓再遷比部未期月官崇北斗心東臯歸來事業敵官守肯將歲月沈詩酒十書往復談中和寤寐猶懷二三友吁嗟友道關人倫豈如俗子閉相欣過能直攻比無可學不老廢稱寶文古稀筵開當六月滿座清風埽炎熱荷花過雨香色新老樹亭亭看自別池上鳳毛今有人桂蘭眼前都是春移家住我雙峯下天憐索處來芳鄰祝翁遐齡祝翁德雙峯插天凝古色雙峯無言草木生易道分明成在默

和應容菴見寄韻

欲回太古調獨抱無弦琴冠佩重遊地江湖未了心詩來秋氣
廻酒盡暮山深何日同餐菊相忘鬢雪侵

與邦升遊東湖

新移山館東湖近吾子忽來成散行路靜芰荷香細細雲深竹
樹去冥冥停杯時復見雙幘待月何當來小亭飽食清時慚未
報向人鷗鷺已多情

懷邦升在南康作

昔年應子今何如長途渺渺同驅車千山萬山惟有夢三月五
月恆無書夙盟欲寒肝膈在老態漸生鬢鬢疎遙望濂溪散憂

光緒僊居集卷十八 詩外編

悒溪頭日暖風徐徐 溪在廬山下

懷應容菴時聞再任江右

念子遠遊歲欲暮長江湖不來雙魚老別可令音問隔衰年正
恐道心疎龜山誰謂晚干祿粟里不貪閒著書珍重洪都舊時
地一溪風月在匡廬

次容菴新年卽事韻

不用鸚裘付酒家又看春意到蓬麻寒威已了千峯雪古色還
留一徑霞習靜何須耽地僻放吟不是愛詩嘉山齋相對渾無
事夜半呼童細煮茶

送仙居令謝七峯述職

地僻官廉空谷音老夫感慨近來深口碑道上惟吾子行囊花
前是素琴古靈祠下柏千尺鄭老關頭松千尋三載朝天一經
過瓣香不愧幾人心

送應容菴巡撫山東用秦白厓韻二首

山勢欲隨征旆遠野雲爭似別情濃生來已慣蓬麻力老去那
堪萍梗蹤白鳥一溪留晚霽碧桃三月尚春容高材未許陪株
免又向天逵看漸鴻

投閒已擬浮江鷁報國還留搏圉熊輿論推先歸雅量帝心簡
在是戎功且去登山尋魯叟已聞觀易薄揚雄放教甘雨垂東
土始信人閒起蟄龍

光緒僊居集

卷十八

詩外編

八

喜范脩竹至次容菴除夕韻

容菴有約望不至修竹能過梅正開塵事盡隨殘臘去春風還
共好詩來丹心兩地渾同室良會百年能幾回時有高人共吟
眺尋常山水亦蓬萊

一所集

葉良佩

字敬之太平人嘉靖癸未進士累官刑部郎中有海峯堂稿

送容菴公撫治山東

四首錄一

江城柳色動離筵驛路桃花上客船資望似古甯易得才名當
路共稱賢中天星漢瞻依裏北壘氛祲埽蕩年蚤晚雲臺論茂
績野人拭目畫圖傳

海峯集

孫璵

字邦采號少梅黃巖諸生有玉硯集

送應容菴翁巡撫山東二首

丹詔初臨春未闌清時再起官程寬旌旗影落關山動星漢光
搖劍佩寒經濟才當虞夏日老成人作典刑看滇南故習更新
久今日青齊又改觀

使節風清瘴海煙銓曹輿論共推賢黃花綠醕初開徑赤手清
朝又捧天銅柱未論夷夏障鼎彝終合姓名鐫官河春水仙舟
穩回首那堪對別筵

玉硤集

黃議

莆田舉人隆慶初知縣

陳鄭雙節詩

芬芳桃李年愴怳冰霜苦丹心誓靡他願言九泉赴孱孱兩嬰

光緒僊居集

卷十八

詩外編

九

孤誰人可振樹堅忍殉未亡柏舟日賡賦食貧性所甘辟纁營
布素穆哉清門風過者式以慕訓迪範九熊期培玉堂祚婦操
兼母儀發祥源難泝淑行格幽微鬼神事呵護枌梓藉帡幪寇
來免惶怖維世有徽音澆漓起僵仆耆歲倦含飴祥光迓仙輅
游衍在西池豈云溘朝露炯炯彤管編懿德千年鑄表閭當匪
遠龍光俯來注

萬曆志

趙大佑

字世胤號方厓太平人官至南京兵部尚書有燕石

枯蒼過嶺

披襟入深霧四山亂鳴泉人疑來異界身似向重天犬吠雲中
舍農燒澗底田相逢試問俗其說古靈年

趙大司馬集

蔡潮 字巨源號霞山臨海人累官布政使有集

送仙居潘懷績分教上高

歲月今逢強仕時成名莫忽化工遲桂林雖負三秋約芹藻還
為百里師劒水流香歌麗澤屏山分翠擁舉比遙知到日梅花
發應寫長篇寄所思

霞山文集

湯聘尹

字覺軒長洲人進士給事中萬曆中謫為知縣

按都賑濟

季春賑乏同周典乘曉驅車郭外行林鳥羣歌能解意山花競
發亦含情子皮漆洧原遵命長孺河陽不為名豈謂長楊曾諫
獵懶來陌上省深耕

名筆留題

光緒僊居集

卷十八

詩外編

國朝

高宗皇帝

御題柯九思墨竹

竹身似屈竹節直自識原稱法極難垂葉恰如錦鱗上天然無

餌上魚竿

甲辰仲夏月 御筆乾隆二十酉 尚書文淵閣直閣事臣紀昀

賜經筵講官禮部

謹按此幅長四尺廣尺餘墨竹一枝作兩頭朝上中閉下垂

之勢筆情清逸似不著紙者前係先生自識有此法極難非

積學之久不能云云後鈐乾隆 御覽之寶古希天子惟日

孜孜乾隆鑒賞三希堂精鑒璽宜子孫各圖書蓋文達公壽

之石以行世者先生一介詞臣歷四五百年之久猶能上塵

光緒僊居集

卷十八

詩外編

十一

聖衷仰邀

寵賚文人身後之榮真曠千古而無對矣

臣王魏勝恭跋

孫中鶚

秋日詣朱道南先生翠屏山館元薦元翀二難痛飲留宿

走筆見意

不是山陰夜差如泛雪人重樓欣見宋下榻愧來陳臥辱紅鞋

枕歌從白鷺巾三高何氏美八達阮家貧作賦慚孫綽顛狂笑

伯倫梁元稱玉海君孝是麒麟清酒應踰杜嘉廚尚過郇雲霞

侵客座溪水和松筠翠壁蒼苔古丹崖紫氣新桂花招隱士薜

荔帶靈均所恨龐公宅非同司馬鄰幽棲堪適意再至莫辭頻

各筆留題

李士宏

字仔肩河南磁州人拔貢順治五年任府推官

捧檄視師樂安偕應薇垣手談適接露布賦以志喜

半畝湘筠水石西一枰斜趁綠陰低請纓已喜曾平粵憑軾相
傳更下齊坐斷墅雲秋樹晚敲殘山月夜烏啼兒曹辨敵渾閒
事捷馬橫穿淝水溪 名筆留題

張篤慶

贈別朱元翀歸樂安 三首錄一

一曲驪歌覆酒樽不堪三月動離魂吳山畫舫泊江水越國風
煙望海門楊柳折殘悲客子刀環夢斷怨王孫應知此後安洲
路萬里征帆到故園 名筆留題

光緒僊居集  卷十八 詩外編

十二

鄭錄勳

字子贊順天豐潤人康熙初知縣

載酒同張聚五朱羽皇應亮嫺李映先張子碩木口賞李

花

舟橫春水綠馬逐曉山青玉樹迷南浦華筵傍北陘光凝星聚
井影動鶴梳翎姑射淩波冷霓裳試舞娉素心梅遜白練色雪
添馨何必窮三島蓬萊在此汀 康熙志名筆留題

王之夫

字容國政和拔貢康熙乙卯以臨海丞署縣事

文明樓雪席同人限韻

漫道六花無異功樓臺點綴玉為宮梅寒徹骨香偏遠鳥絕飛
鳴境已空北海樽開杯泛綠西窗漏盡燭搖紅此宵應報文星

聚聊效長歌興未終

各筆留題

魏國璘

字子公號斌王宛平貢生康熙中知縣

壽俞賡唐先生八秩

康熙己巳九月

久聞仙居名未履仙居地偶寄一微官以此知其意邑之西郭
門王家好行義拔宅忽飛昇白日青天際遙聞鷄犬聲雲端自
鳴吠至今邑中人往往輕權勢桑麻處處邨流水繞階砌有如
桃源行衣冠多古製士子愛讀書青燈夜搖曳中有兩俞生文
章更巨麗知其學有源才華濟以世尊公如眉山訣得枕中祕
超然絕塵埃三昧自遊戲今秋初度辰華筵啟高第登堂思捧
觴苦為微疴滯翹首望天西山川何迢遞因思神仙家箕裘亦

光緒僊居集

卷十八

詩外編

十三

相繼八千歲為春神龜養元氣欲從赤松遊於今年尚未

俞氏譜

遲維培

字伯申奉天廣甯人康熙辛未以府判攝縣事

登方巖

四首錄三

四壁環峯立方城真宛然天開諸洞壑地別一山川滴瀝泉聲
細熹微塔影懸此中有怪木盤結不知年
樓臺多隱見花草半分明霧重鐘聲溼風微梵宇清爐煙通帝
座雲氣接霞城謾道當年事潢池亦弄兵

仙人亦有飯大地種胡麻竹向峯頭曲田隨石腳斜方塘開絕
澗古木宿寒鴉嘆息風塵者勞勞何處家

各筆留題

陳璜

字元卿號琪園臨海人順治九年進士官壽張知縣有寓園等集

戊子春仲至朱元翀之鵬方社爲呂六松舊隱

二月春寒側柔風送客過桃花堪小飯麥秀付狂歌行笈仍存

硯荒途未止戈山中曾再住處士有槃阿琪樹園集

何錦貴州舉人雍正末署縣事

冬日過萍溪挽節烈朱張氏二首錄一

秀骨珊珊不受塵可憐人墮可憐津如今世上風波險欲泛仙

槎報主人

錢陳羣字主敬號香樹嘉興人康熙辛丑進士累官刑部侍郎加尚書銜贈太傅謚文端有香樹齋集

思廬廣文引年歸仙居有詩留別次韻以送案思廬王錫纓之號

時清尚齒乞閒身曠覽平生一岸巾無俗可醫真達者有芝能

光緒僊居集卷十八 詩外編

十四

茹卽仙人詩留別席去猶思書滿行騰老不貧白髮愛看諸弟

子青衫幾隊立湖濱

嚴宗孟嘉興人

壽王思廬老師七十

禾城三月桃李穠沐浴化雨披翔風良辰欣復瞻紫氣南極一

星輝鬢宮諸生濟濟列階右捧卮敬祝先生壽先生梓里本仙

居人傑地靈風骨厚秉鐸斯邦閱五春性情道誼醕平醕甄陶

士類敦實學鵝湖鹿洞差等倫玉樹一枝拂漢起蘭蓀接踵教

麟趾眉案相莊萃太和植槐衍慶從茲始授經伏叟伯仲問詎

煩丹藥駐童顏酒杯詩卷常在手升高飛步如等閒 聖朝尚

齒崇名宿如公不愧耆英日會看權擎百歲觴錦堂舞繞宮袍
綠

錢載

字坤一號葦石秀水副貢乾隆丙辰舉鴻博壬申進士官至禮部左侍郎有葦石齋詩集

題柯敬仲畫

寒崖自有骨危柯僵不剛青藤倒瓔珞借葉爲蒼顏其陰竹埽
星星破竹更閒冥冥隱凡人讀易方憂患颺聲豈難靜生氣何
終孱我心匪木石且復同其頑

葦石齋詩

陸震東

號龍菴德清舉人嘉慶中邑訓導

俞貞烈女詩

乾坤有清氣激發隨人資聖賢見其大夫婦亦與知或挾浩然

光緒僊居集

卷十八

詩外編

十五

氣刀鋸視若夷或守介然操冰雪誓不移事何分廣狹總足扶
倫彝卓哉俞氏女生長在茅茨不扶而自直豈藉保母師十三
明女訓十四學婦儀十六將適人筮日方結褵謂耶如松柏謂
妾如兔絲相附定百年甯貽父母罹何意賀在門弔者遽相隨
所天既已失有生復何爲思往一憑棺同穴甘如飴姑嫜非所
樂媒妁莫致辭生無覲面日死必往從之此語口不道此志已
弗欺父母胡不諒改字前村兒豈以鐵石質更作桃李姿畢命
在此宵長訣無遲疑溪流繞里門瑩徹絕纖疵懷清若合契抱
石段重漪蛟龍不敢侮逆浪擁其屍衣履盡縫紉玉顏如生時
父母始歎訝鄰黨咸詫奇一坏寄山麓幽光燭雲逵我來問風

土聞此起敬思作詩紀其實非誇幼婦辭還當勒貞珉闡揚曷
可遺千秋烈女碣庶比曹娥碑

俞氏譜

洪其紳

台州府知府

孝烈應朱氏挽詩 二首錄一

買妾侍翁身遂死事關似續計甯非千秋節烈知多少如此從
容實所稀

表丹忱錄

戚學標

字翰芳號鶴泉太平人乾隆辛丑進士官河南涉縣知縣有鶴泉詩鈔文鈔

題韋門詩鈔

虞揚世兄奉其父櫬園遺命以詩稿求點定并辱贈二畫平
日得意作也詩以誌之

光緒僊居集

卷十八

詩外編

十六

有子能傳業攜詩特遠行雲山貽畫卷風雨感交情我已疎儒
術君應享大名韋門高詠在一一謝宣城

韋門詩鈔附錄

孝烈應朱氏挽詩

林生爲余言邑有婦朱氏節孝世所無爲光於桑梓婦人從一
終於義固當爾慷慨以身殉死亦鴻毛耳必若婦之爲其事乃
全美此婦生儒門奕葉守詩禮婉嫕擅令姿少小明大體自從
作婦來登堂潔滌灑勸郎勤誦書一鐙伴鍼黹天運靡有常其
家倏遭否黃鵠成獨棲鷓鷯不雙止有子於痘殤夫又無兄弟
熒熒堂上親昕夕誰依倚伯道苦無兒庭堅傷不祀百念回哀
腸未容一死委檢我黃竹箱捲我青綾被機上剩匹絲匳中雙

瑤珥殷勤託婦駟姬人爲我市二九正韶年手爲三薰洗清晨
阿翁前俦之跪進履翁見女子來噩不知所以託言婦病軀聊
代奉甘旨阿姑明婦心勸翁幸留此我輩雖健存各各有年紀
以此代媳勞亦復多所恃此事向未聞無乃鬼神使他日若敖
宗未必不賴是深感阿婦誠暗暗生歡喜隱忍暫偷生爲翁費
料理一線幸可延苟活復何俟願作黃泉行而以報夫子盡節
兼盡孝後死勝前死匪但曰從容所全實大矣我聽林生言古
來誠罕比以此輝彤管霞照赤城紫

表丹忱錄後同

朱鉦

錢塘人

挽仙居應烈婦朱氏

光緒僊居集

卷十八

詩外編

十七

日洒亡夫淚遺孤命又傾憐翁傷伯道買婢侍康成薦芟如親
奉徵蘭庶再榮冥心泉下去化作鳥雙鳴

蔡蘂榜

德清人

前題十八首

結髮結生死兩心結一心此理重太山哀哀黃鵠音
夫死遺孤兒母亡兒不保兒續夫之後一死敢草草
呱呱向母泣洗淚乳其兒五月一孤雛千鈞繫一絲
兒在母命延兒殤母命絕不絕云何爲胸填一腔血
心血日夕煎上堂事翁姑翁姑慘不樂兒孫老竟無
無兒淚未乾無孫腸更斷祖宗一抔土麥飯誰人管

婦聞暗揮涕淚滴機上梭終日疲織作得金苦無多
盡檢房中箱素絲餘幾匹盡典嫁時衣了此不多日
黃金買娉婷骨相求豐隆語媒勿輕泄敬以歸阿翁
阿翁本無聞俄而女入門女願執巾櫛翁不省所言
阿姑前致詞爾媳購此女女有宜男相祝生丈夫子
阿翁喜且驚咄咄真孝婦孝婦一片心老身曷忍負
心心照心心婦意稍稱遂夜深挂屋梁氣絕不到地
訣絕何若斯就義得所安有人供女職堂上奉盤餐
黃墟去報夫柔腸細傾吐相慰各相悲深感用心苦
冥冥抱哀痛雙雙聚精魂下以叩地祇上以通天門

光緒僊居集

卷十八

詩外編

十八

老木發新枝寒松續舊葉事可泣鬼神一脈終當接
台嶽鍾神秀遊化皆靈仙曷若閨閣才有此節全孝

丁燾

錢塘人

前題

大義重宗祧全孝斯全節節止捐其軀孝當以力竭天台朱氏
媛真是女中傑六載奉翁姑鏡鸞頓爾折當作夫亡子又殤一
死徒稱烈所慮不祀傷門衰無弟姪隱忍且偷生迴腸憂惓惓
乃典嫁時衣簪珥復收掇檢我匱中貲剜我心頭血語媒市姬
人丁甯戒勿洩姬人俄入門神鬼若施設猶懼愴翁懷婉轉曲
陳說言代病婦勞甘旨庶無缺翁感婦之誠始愕旋夷悅墜緒

賴茲延黃泉遂永訣死早與死遲節同孝則別地下報所天苦心昭若揭彤管有殊輝奇貞冠兩浙

蔡廷弼

字竹濤德清人

卓哉清門應朱氏幼讀父書識經史長嫻姆教工鍼黹笄年遣嫁婦職修裙布垂垂侍杖几風廊埽葉起爨烟朝夜鳴機供甘旨尊嫜含笑色怡怡僉曰婦賢傳桑梓何圖夫疾竟不瘳恨不下共黃泉遊椎心鑿腦淚洗面懷中孤兒歲未周抱兒翁姑側各勸寬胸臆兒可承宗支鬼不空求食撫兒坐空房颯颯風淒涼兒年將鼓篋五代嗣芸香天平何辜遭慘酷總角牽連登鬼錄上無伯叔兄弟親子姓問誰宜接續續者誰悲復悲命薄何

光緒僊居集

卷十八

詩外編

十九

苦爲人爲不如訣絕赴黃墟求吾亡夫同索孤雛其如堂上惇惇白髮翁與姑舍之竟去奚忍乎況復無兒無孫異日墳前一盂麥飯無中腸如輪轉欲死計當緩阿翁尚宜兒豈忍宗祧斷殷語媒訪女子盡鬻衣裳及簪珥詭言服鬻體益羸藉代高堂奉滫瀡進女爲翁求祀計婦不明言姑知意急勸收之窆室中暗暗焚香祝天地願得生兒婦親見不負苦心延一線豈知一日心事完塵土甘掩黃泉面茲事流傳世所憐人間有此閨中賢從容就義非率爾幽明貫徹道兩全共云上天真必報終令瓜瓞縣以延將來應氏門才疇載筆快慰貞魂重紀述吁嗟乎君不見赤霞城起綽楔高女中師表人中豪

宋經畚 字心芝臨海人歲貢生

前題四首

乍對菱花月樣圓何堪破鏡泣孤鸞秋來更苦霜威甚桂子無聲墮廣寒

便教化石任剛風忍見圭田播穫空累得鐵腸成寸折幾回雪涕小窗紅

小小晨星嘒嘒芒瓶花結果佇含香一杯蒲酒澆胃後不羨仙家續命湯

慕門連理木成陰含笑泉臺對藁砧海上女娃綠底事滿腔嗔意付冤禽

光緒僊居集卷十八 詩外編

朱士彥 字休承寶應人道光初浙江學政

王節母詩 王廷選妻張氏諸生王作賓之嗣母見沈焯所撰傳 丙戌九月

早矢艱貞志於今白髮垂敦匱尊壽母 綸緯美貞姬窗外青山古階前碧樹滋由來佳子弟端不負含飴 王母節壽詩冊後同

李宗瀚 字北溟臨川人道光中浙江學政

前題 二首錄一 丑仲秋

調苦離鸞早絕弦事姑教子一身肩芹香看到孫枝續含笑長歸第十天

何凌漢 字仙槎道州人道光中浙江學政

前題 壬辰春季

雲起枯蒼山沈沈接桐柏貞石礪冰霜下有節母宅 恩綸白
首膺世業青箱接乃孫邑諸生馬首上詩冊我乘轎軒來實司
采風責畫荻與和丸久合幽光發勸生立修名范喬硯猶昔

陳用光

字石士新城人道光中浙江學政

爲樂安王生授時題其祖母張孺人壽冊

貞壽 旌門世共欽乞言重見孝思深儒林名實須相副莫負
丸熊畫荻心

萬青藜

字蕙齡德化人咸豐年間浙江學政

前題

一脈經生緒千秋列女箴柏舟風續古荻筆訓垂今勿墜青箱

光緒僊居集

卷十八

詩外編

二十一

業遙酬白首心北堂亦貞壽樹榭荷 恩深

鈕福保

號松泉烏程人

王節母詩

黃鵠一飛去千里安能回翠柏遇隆冬風霜不爲摧故老有里
諺苦盛甘乃來今觀王氏堂斯言豈誣哉嗣子旣國器文孫亦
棟材藹藹三春日華觴綺席開煌煌 九重詔遠自天邊裁芬
芳溢里郇榮譽慰泉臺作詩彰彤管愧無淵雲才

蔣照

字銘沅平湖人拔貢生同治十一年署邑訓導

題畫石圖冊三首

訪古畫眉谿畔探幽康肅坐前奇癖漫誇坡老癡情絕勝米顛

其二

古意今情並妙詩篇畫筆罕傳磊落堪為寫照歛寄權當臥遊

其三

蕭齋藉供幽賞藤箋愛索清吟閱盡烟雲過眼好同竹柏盟心

朱緒曾

字述之金陵人

杏村茂才借余所藏吳康肅公湖山集欲重梓以傳弁出

畫石圖索賦石亦康肅墓前物也爰綴二律

錄一

君從我假湖山集為說吳村得石奇南渡金縉長腳誤平泉花
木一拳遺孱王不駐建康蹕直學歸吟彭澤詩西踏芒屨十五
里野煙荒冢草離離

光緒僊居集

卷十八

詩外編

二十二

姜文衡

字亦農黃巖人道光庚子歲貢生有北山詩文鈔

次樂安張蕊宮麗生元旦感懷韻即以贈別

四首錄三

危樓一榻迫囂塵勝友相逢晤十旬談話芳蘭薰滿座詩篇明
月證前身觸隅羽翮籠中鳥落紙雲煙世外人況有南皮舊遊
客

時與吳香
雨同來

與君同作葛天民

為道頻年作客時天涯豪俊結心知題襟柳岸春風暮訪舊溪
村落日遲席上霜花爭舞劒鐙前彩筆快題詩笑余束縛真如
繭不識饑驅何所之

萬八峯頭太白堂千秋憑弔佛廬鄉羨君欲寄青雲迹邀我聯

吟白露莊

蕊宮有白露草
堂在天台山

洗眼儻能追玉局素心長願共柴桑

明年許作芒屨約記取松陰繞古廊

葉舟 字梅溪臨海人有枕山樓詩草其孫廩生書刊行

仙居

肩輿輒輒過溪東滿眼居民入望中雉堞平分透岫碧炊煙齊
漾夕陽紅衣冠不少陶唐俗少壯偏多秦楚風佩劍十年猶未
遇仙人誰識氣如虹

度橫溪

竹杖芒鞋得得來橫溪溪畔小春回霜林紅葉都飛盡但見前
村數點梅

蒼嶺巔

光緒僊居集  卷十八 詩外編

二十三

不辨嶺西東蒼蒼山幾重直從青嶂入未許白雲封尺地分三
縣 上有田隸仙居
縉雲永康三縣 危崖冠萬峯憑高看不盡殘日挂孤松

南田背

危梯高引勢崔嵬萬疊峯巒四面開海盡東南趨百谷天窮西
北接三台身同雕鶚凌霄起神挾飛仙駕鶴來呼吸料應通帝
座不須方外問蓬萊

孫衣言 字劭聞號琴西晚號遜學瑞安人庚戌翰林歷官江
南布政使太僕寺卿

邀徐笙谷 世蔭 朱紫笙 亢宗 遊西湖和笙谷韻

聚散萍蓬各一天別離回首幾經年相逢同話千秋業 二君各
以所正
著詩古 女求訂 入座欣聯二老篇詩虎酒龍同暢事燕京雁宕憶前緣

二君先後游雁山而紫笙於都中別已三十餘年湖頭風雨持杯勸但祝長爲海上仙

沈懷珠

字書船縉雲人副貢

咏鄭節母吳太孺人

鄭錫官妻廩生勲母

麻姑山頂雪景星巖上月交輝女貞木皎皎成高潔四座且勿喧聽我陳母節母是吳彩鸞林下清風絕來嬪通德里如賓伴冀缺翁姑笑口開伉儷情彌愜偕老願百年長此侍巾櫛天竟奪所天妾真薄命妾匪遭疾風吹勁草奚從別死易立孤難信誓遲同穴寡鵠撫孤雛哀鳴淚成血鬻子之閔斯受辛經百折課讀瞻親丸戒遊指頻齧春雨涕絲連秋蟲悲響切書聲雜機聲一一含嗚咽甘從味橄回苦乃忘茶拊子歌思樂歸燕喜筵

光緒僊居集

卷十八

詩外編

二十四

偕設并遺以君羹米廩足供給書帶草榮敷筆花蕨秀茁榆嶺隔一方苔岑聯奕葉聊效孟郊吟母慈兼女烈潤色待名卿傳爲文補闕

楊晨

字定夫號蓉初黃巖人光緒丁丑翰林陞御史

焉逢淹茂五月端九松筠葦消夏第一集訓吳玉粟比部客居意不適聯襪登緇林泉石有奇致儵然滌塵衿酌酒發清詠隔花調素琴新篁送晨爽高槐移夕陰俯仰緬前哲諫草何森森忠悃誰不慕氣節良獨深京洛多風塵何以厲素心願結歲寒契千載有知音

周郁雨

字叔篋號黍香臨海人同治庚午舉人

松筠菴消夏第一集訓吳玉粟先生二首

遠行滯京雒鬱居多積憂延陵雅愛客舉此塵外游招提集車
蓋後先互獻酬選勝及清淨不鄙緇道流入室羅古歡飛觴驅
舊愁少年有三樂失此將何求況茲同林鳥鳴食在一邱矧彼
幽寂地造化爲之儔今昨空蹉跎來日悲白頭不見烏兔景東
西誰去留

宣武城南西叢祠絢金碧言言松筠菴寂寂楊子宅披榛想綦
履溫綸著史策入謁肅冠帶興廢感疇昔歲暮非不寒留此森
森柏堂基非不高拱此巖巖石諫草猶在亭字字動心魄搔首
問青天撫膺慨陳迹回面望容城堂堂見顏色